

謂之不善也于法何與也四方形勢高下肥瘠如天淵然不特東南之與西北爲爾也即以一府言而各縣之里甲有多寡延袤有廣狹土宜有厚薄終難以此而律彼矣當其始議丈也即當察其長吏之可任與否而後使之既察其可使而托之矣則當任其施爲聽其調度待其報成而後覈其功罪取其宜民焉而已奈之何束縛之禁制之頒條列示定式刻期必欲盡一省而悉從一例其民風土俗有此相宜而彼不相宜者不顧也是以謂之不善也于法何與也驊騮騊駼天下之駿馬而試之釜竈之間則疾不能過騊駼黃鵠白鶴一舉千里而試之堂廡之下則便不能過燕雀人固有能有不也能也况丈量之事千頭萬緒而爲長吏者以一人之精神思慮欲以成功而善後蓋亦難矣非假之以歲月豈能一蹴而